



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Epistolarvm Innocentii III. Romani Pontificis Libri Vndecim**

**Innozenz <III., Papst>**


**Parisiis, 1682**

Strigoniensi Archiepisc. Patavien. & Cenadien Episcopis.

**urn:nbn:de:hbz:466:1-20006**



propofuit, quibus eum amovendum à Prioratu oftendere conabatur. Dicebat enim electionem ipsius canonicam non fuiffe; cùm & tunc temporis laicus fuerit, & Alexandro ejusdem Ecclefie Priore vivente intrufus fimoniacè ibidem fuerit per potentiam laicalem; electionis quoque tempore de ipsius Ecclefie gremio non extiterat; nec datus volentibus, fed invitis; ad cujus electionem non omnes fuerunt Canonici convocati; quem etiam C. quondam Duci Spoleti, quòd ad mandatum ejus teneret Ecclefiam, \* vitaffe firmiter proponebat; & quòd de genere illorum fuerat ac societate qui Soperclum Priorem ejusdem Ecclefie interficere præfumpferunt. Præmiſſis itaque rationibus dictum Abbatem \* dicebat Prioratu Ecclefie memoratæ. Verùm pars altera electionem suam multis nitebatur rationibus roborare; proponens quòd dictus Alexander promotionis suæ tempore laicus similiter fuerat, filios habens, & etiam concubinam; & cùm Prioratum voluntate propria resignasset, vos eum unanimiter elegeritis, & per quinquennium tenuistis eum exinde pro Priore: cujus quidem electio non solùm à venerabili fratre nostro Spoletano Episcopo, verùm etiam à bonæ memoriæ Celestino Papa prædecessore nostro fuit postea confirmata. Intentionem itaque suam fundare jamdictis rationibus satagebat. Quibus fuit à præfato B. taliter obviatum, quòd cùm renuntiatio Alexandri præmiſſa, per vim extorta fuerit & obtenta, nullum vobis poterat præjudicium generare; præsertim cùm neque coram iudice suo facta fuerit, & tempore illo dictus Alexander vobiscum pariter possessione tam Ecclefie quàm rerum ipsius esset penitus spoliatus. His ergo & similibus coram dicto Cardinale prudenter à partibus allegatis, ipse allegationibus & rationibus hinc inde productis auditis, & plenius intellectis, habito prudentum virorum consilio, sæpèdictum Albericum à memorato Prioratu removendum sententialiter diffinivit. Nos ergo sententiam ejus, sicut rationabiliter lata est, ratam habentes, auctoritate apostolica confirmamus, & præsentis scripti pagina communimus. Nulli ergo &c. Datum Kal. Februarij.



*STRIGONIENSI ARCHIEPISC.*  
*Patavien. & Cenadien Episcopis.*

**C**vm venerabilis frater noster Episcopus & dilecti filij B. Præpositus, M. Cantor, S. & M. Canonici Waradien. essent in nostra præsentia constituti, ex parte Canonicorum fuit propositum coram nobis, quòd conquerentibus eis in præsentia venerab. fratris nostri Colocen. Archiepiscopi super quibusdam injuriis sibi ab ipso Episcopo irrogatis, Episcopus in vocem appellationis erupit, & ipsi nihilominus eum de crimine simoniæ ad nostram audientiam appellarunt. Vtraque verò parte post annum & dimidium ad sedem apost. accedente, cùm in eodem proposito memorati Canonici permanentes, perjuri & simoniæ ipsum Episcopum reum facere in nostra & fratrum nostrorum præsentia niterentur, ex parte ipsius Episcopi fuit propositum ex adverso quòd cùm super his citatus non fuerit, nec propter hoc venerit, & ideo jus remeandi domum haberet, non renebatur suis adversariis respondere. Cùmque super his & aliis esset ab eis in auditorio nostro diutius litigatum, nos habito cum fratribus nostris consilio, volentes parcere laboribus partium & expensis, cùm & nos plus solito variis sumus occupati negotiis, eas ad vos duximus remittendas, per apostolica scripta mandantes quatenus juris ordine per omnia conservato causam ipsam diligenter examinantes, & usque ad diffinitivam sententiam procedentes, gesta omnia sigillorum vestrorum munimine roborata nobis fideliter transmittatis, diem assignantes partibus competentem, quo recepturæ sententiam nostro se conspectui repræsentent. ad quem si qua earum venire contempserit, nos nihilominus, quantum de jure poterimus, procedemus. Quia verò suprascripti Canonici se queruntur à jamdicto Episcopo contra justitiam spoliatos, volumus & mandamus quatenus, si rem ita inveneritis se habere, secundùm quod eidem Episcopo dictus Colocen. Archiepiscopus sub debito juramenti dicitur præcepisse, ablata omnia eis, appellatione remota, restitui faciatis; providentes ut eidem Episcopo faciatis ab ipsis Canonicis obedientiam, reverentiam, & obsequium debitum exhiberi. Si verò idem Episcopus aliquid proponere voluerit contra Ca-

*Epist. 546.*  
*Ut cognoscant*  
*de accusatione*  
*Capituli Vva-*  
*radiensis contra*  
*suum Episcopum.*



nonicos memoratos, audiatis illud, & appellatione remota sine debito terminetis. Nullis literis &c. Datum III. Kal. Februarij.

**ABBATI MONASTERII**  
*Francarum Vallium, ejusque fratribus tam presentibus quam futuris regularem vitam professis in perpetuum.*

*Epist. 547.*  
De confirmatione privilegiorum & bonorum.

**R**eligiosam vitam eligentibus &c. In primis siquidem statuentes ut ordo monasticus, qui secundum Deum & beati Benedicti regulam atque institutionem Cistercien. fratrum &c. usque ad verbum vocabulis. Locum ipsum in quo praefatum monasterium situm est, cum omnibus pertinentiis suis, grangiam de mala musca, grangiam de Argentia, grangiam de Campignola, grangiam de Rocerta, grangiam de Sornellis, quicquid habetis in Avinione, quicquid habetis in Cavellione, quicquid habetis in Bellicadro, quicquid habetis in Lunello, quicquid habetis in tenimento villae sancti Aegidij, quicquid habetis in Cavo monte, & aliis locis. Sanè laborum vestrorum &c. Prohibemus insuper ut nulli fratrum &c. Ad hæc etiam prohibemus ne aliquis monachus &c. Insuper auctoritate apostolica inhihemus, ne ullus Episcopus &c. Si verò Episcopus, in cuius parochia &c. Pro consecrationibus verò altarium &c. Quòd si sedes &c. Quia verò interdum &c. Porrò si Episcopi &c. Paci quoque &c. Præterea omnes libertates &c. Decernimus ergo &c. Salva sedis apostolicæ auctoritate. Si qua igitur &c. usque in finem. Datum Laterani per manum Rainaldi Domini Papæ Notarij, Cancellarij vicem agentis, Kalen. Februarij, Indictione secunda, incarnationis dominicæ anno M CXCVIII. pontificatus verò Domini Innocentij Papæ III. anno primo.

**PRIORISSÆ COENOBII**  
*de Curio Rivo, ejusque sororibus tam presentibus quam futuris regularem vitam professis in perpetuum.*

*Epist. 548.*  
De eodem argumento.

**P**rudenter virginibus &c. In primis si quidem statuentes ut ordo monasticus, qui secundum Deum & beati Benedicti regulam atque institutionem Cistercien. fratrum in cœnobio vestro &c. usque ad vocabulis. Locum ipsum in quo praefatum cœnobium situm est, cum omnibus pertinentiis suis. Corva-

tam Don Garnier, quam Hu. de Illidio Miles dedit vobis laude & assensu heredum suorum in omni usu habendam. & campum Olrici cum integritate. & quicquid in molendino & batarino de Gu-nencort habetis. & terram quæ est juxta pratum sancti Martini, & illud quod habetis in molendino & batarino ex dono Ginardi Pohiers, ex dono Sybillæ, & filij ejus Arnulfi. tria jugera terræ sita inter campum Olrici & Hugonis, & pratum Daven. & sedem batarini, in quo molendinum ædificastis. & tertiam partem de cultura in territorio de Brenvilla ex dono Galteri de Solascort, & partem Everardi de Irrumceria in eisdem territoriis, tam in nummis, quam in segetibus, & partem Alberti Corelli similiter vobis ab ipso concessam, & usum in territorio de Brenvilla. Ex dono Hugonis de Ambleio, unam falcatam de prato sub burgo sanctæ Mariæ, & tertias de Mannia, quas vobis Rainerius de Pares de cultura suorum hominum dedit vobis. Et ex dono Humberti de Doncuria, unum pratum super ripam Mosæ. Sanè laborum vestrorum &c. Liceat quoque vobis &c. Prohibemus insuper ut nulli sororum &c. Paci quoque &c. Decernimus ergo &c. Salva sedis apostolicæ auctoritate. Si qua igitur &c. usque in finem. Datum Laterani per manum Rainaldi Domini Papæ Notarij, Cancellarij vicem agentis, III. Kalend. Februarij, Indictione secunda, incarnationis dominicæ anno M CXCVII. pontificatus verò Domini Innocentij Papæ tertij anno primo.

**HEN. ILLVSTRI REGI**  
*Vngariæ.*

**I**nauditam hætenus speciem falsitatis, quam oculis nostris vidimus, serenitati tuæ, quia id expedire credimus, duximus referendam. Cum enim dudum (sicut moris est apostolicæ sedis) regestum felicis record. Alexandri Papæ prædecessoris nostri cuidam fuisset exhibitum, tanquam rescriptum aliquod inspecturo, ut conceptam iniquitatem pateret, de medio quaterno duo folia est furatus, sicut indicium deprehendimus manifestis, cujus facinoris testes & conscij perhibentur in regno Vngariæ permanere. Quia verò graviter peccat, & qui loquitur mendacium, & qui subtrahit veritatem, & publicè interest quòd maleficia non remaneant impunita, magnificentiam

*f. notulis*

*Epist. 549.*  
Ne testes super falsitate quiddam examinandi impediant verum dicere. *Præ de supra quæst. 540.*